

教育部審定

新式

國文教科書

國民學校用

第八冊

成天

上海中華書局印行

成天

44
4

目次

第一課	世界大勢	第二課	德意志
第三課	日本	第四課	曆
第五課	日蝕	第六課	月蝕
第七課	郵務 <small>附郵務寄費表</small>	第八課	電報 <small>附電報式</small>
第九課	交涉	第十課	軍備
第十一課	鴉片之役	第十二課	洪秀全之役
第十三課	國恥(一)	第十四課	國恥(二)
第十五課	中國史略(一)	第十六課	中國史略(二)
第十七課	中國史略(三) <small>附歷代紀年表</small>	第十八課	干支
第十九課	三年之艾	第二十課	防疫
第二十一課	徽菌自述	第二十二課	水之衛生
第二十三課	滴水自述(一)	第二十四課	滴水自述(二)
第二十五課	法律	第二十六課	警察

- | | | | |
|-------|---------|-------|---------|
| 第二十七課 | 影戲 | 第二十八課 | 鳥附圖 |
| 第二十九課 | 空中交通 | 第三十課 | 電之應用 |
| 第三十一課 | 國債 | 第三十二課 | 契約附契約式二 |
| 第三十三課 | 寒暑表 | 第三十四課 | 指南鍼 |
| 第三十五課 | 環遊世界(一) | 第三十六課 | 環遊世界(二) |
| 第三十七課 | 環遊世界(三) | 第三十八課 | 環遊世界(四) |
| 第三十九課 | 廢物利用 | 第四十課 | 火柴 |
| 第四十一課 | 農業 | 第四十二課 | 糴米 |
| 第四十三課 | 植樹 | 第四十四課 | 巴拿馬運河 |
| 第四十五課 | 地但尼郵船 | 第四十六課 | 宗教 |
| 第四十七課 | 憲法 | 第四十八課 | 無字薦書 |
| 第四十九課 | 介紹入學 附信 | 第五十課 | 畢業 |
| 附課一 | 教員訓詞 | 附課二 | 來賓演說 |
| 附課三 | 學生家族謝詞 | 附課四 | 學生答詞 |

第一課 世界大勢



地球各國凡五十餘。然擅強大之名。佔優勝之勢。其舉動足為世界重輕者。數國而已。其在歐洲。有英德俄法。類皆屬地廣袤。武力盛強。見重於世。而工商之進。學術之精。則英德尤著。其在美洲。美國最富。

們 躋

邦與盟侵陵

固

實業發展。國勢日盛。惟素抱們羅主義。近始東向爭雄。其在亞洲。日本後起。今亦躋於強國之林。此外非澳二洲。大都強國之屬地也。

第二課 德意志


德意志聯邦者。其初本以奧地利為盟主。威廉第二登普魯士王位。以昔受奧法之侵陵。於是整軍經武。期雪國恥。初勝奧。繼勝法。遂聯合德意志諸邦。為德意志帝國。德為新造之邦。學術武備。罔不精進。且商業進步甚速。頗足與英

頡 頡

維 琉 吞

人頡頡。近者歐洲大戰。德軍屢捷。雄師所向。銳不可當。可知其國民之實力矣。

第三課 日本



日本。島國也。自明治維新以來。國勢驟盛。縣我琉球。割我臺灣。租我旅大。吞併朝鮮。殖民於奉天吉林。擴張航業商務於我國各地。膠州灣。我重要之軍港。

奪 認 丸 的 伺 餒 曆

也。昔租於德。日本乘歐戰而奪之。旋復向我國。強索權利。我國以力弱未可與戰。乃隱忍承認之。夫日本以彈丸之國。朝野上下。并力經營。日以我國為的。伺隙而動。蓋利我之弱耳。我國之人。苟能自強。則國恥有時而雪。國威有時而張。願國人毋自餒也。

第四課 曆

曆以定時成歲。有陰曆陽曆之別。陽曆者。以地繞太陽一週為一年。凡三百六十五日。分為

閏


十二月。大月三十一日。一三五七八十十二等月是也。小月三十日。四六九十一等月是也。惟二月二十八日。每四年置閏一日。則為二十九月。陰曆者。以月繞地球一週為一月。大月三十日。小月二十九日。積十二月為一年。遇閏則加一月。

第五課 日蝕

淨 掩 訝

天光明淨。四顧無雲。忽有黑圓形進逼日面。未幾。日光盡掩。久之漸露。弟見而訝之。問故於兄。

障 譬




第六課

月蝕

翌晚兄復語弟月蝕之理曰月本無光得日光照之而有光猶燈前置鏡鏡亦發光也惟月之

兄曰此日蝕也地球繞日月繞地球各有定軌有時月球適行於地與日之間則月球蔽日是為日蝕弟猶不解兄曰日譬之燈月譬之手地譬之目汝試以手障燈則汝目不見燈光矣弟大悟

晦 朔 恰 遮



燈鏡間則鏡必無光矣弟試之果然

第七課

郵務

姜

姜女戲於中庭郵差自外來投函逕去女持入

裹

呈父。且曰：彼胡為不索酬？父曰：郵務局為國家所設。寄信者，向局購票，黏貼信面，即以代信資者也。女曰：以票代資，有差等乎？父曰：有。每信重量在二十格蘭姆以下者，國內三分，本地一分。過此遞加。惟明信片皆一分。此外掛號信、快信，另須加費。若寄報紙、書籍、貨樣包裹、銀錢，又別有規定。按表求之，朗若列眉也。

郵務所用分量以格蘭姆(即公分)計算
一格蘭姆合庫平二分六釐八毫

種類	信 明信片	新聞紙	書籍 印刷物	貿易 契等類	傳 單	貨 樣	單 掛 號	雙 掛 號	快 遞	保險	匯 兌	包裹
----	----------	-----	-----------	-----------	--------	--------	-------------	-------------	--------	----	--------	----

遇緊急之事。以電通信。是曰電報。有有線無線。

第八課 電報

[illegible]

天

中華書局印行

繳儘

譯

1	2	3
4	5	6
7	8	9
0		

之別。又有明碼暗碼之殊。電報之費。按字計算。每字本省六分。外省一角二分。如欲提前儘先發報。則繳費三倍。名曰急電。故除住址姓名外。敘事貴於簡要。寄法。取電報新編。按字譯出號碼。送往電局。并付報費。則電局為之發遞。收信者不更出費。惟距局過五里者。酌給送力而已。

電報式

北京西斜街文淵閣潘偉才庚辰六日赴都寅
 四九七八二一八六二四三七
 五七七〇三九四二七四〇三
 〇〇〇〇〇〇〇〇〇〇〇〇〇〇〇〇
 六二四二八二四七三〇三二〇
 二五八二四六七三〇三二〇
 〇五五五五五五五五五五五五
 〇五五五五五五五五五五五五

第九課 交涉

列國往來日益繁密。彼此關係之事亦日多。於是交涉生焉。交涉與交際不同。交際主和平。揖遜雍容。正以彰其親睦。交涉則有關國家權利。不容輕易退讓。如將條約訂定。彼此即須實踐。縱有損失。不能翻悔也。交涉之得失。恆視國力之強弱。吾國勢處積弱。交涉紛至。辦理綦難。多數國民。盍預儲實力。為交涉之後援乎。

第十課 軍備

劇

殘練

圓輿之上。立國數十。競爭劇烈。如欲鞏固其國。不受侵陵。必有賴於軍備。文明國之制。男子既達成年。苟非殘廢及被刑者。皆有當兵之義務。訓練純熟。紀律修明。進可以戰。退可以守。古人所謂有勇知方。庶幾近之。兵隊之用於陸戰者。曰陸軍。用於海戰者。曰海軍。二者功用不同。而彼此相輔。皆所以衛國保民者也。

第十一課 鴉片之役

清嘉慶以後。鴉片盛行。及道光時。林則徐奉命

克逞廷罷弛

秀饑召黨

至廣東查辦。盡收外商鴉片。焚之於虎門。有不服者。絕其貿易。英人怒。率兵來擾。以則徐防範嚴。不克逞。乃分兵擾閩浙沿海地。侵入長江。清廷大震。乃罷則徐。訂和約於南京。割地償銀。並開商埠。煙禁遂弛。近始與英人議定。止印土進口。禁絕始有望矣。

第十二課 洪秀全之役

清道光三十年。兩廣大饑。廣東人洪秀全。號召徒黨。起兵於廣西之金田村。建國號曰太平天

柄帥曾餉璵瑱

國。由湖南出長江取南京。都之。號曰天京。秀全自稱天王。兵力所及。達十六省。會起事諸人。互奪政柄。自相攻殺。勢漸不支。清帥曾國藩。悉力規取南京。且分兵攻克江浙。絕其餉道。并牽掣其援師。秀全仰藥死。南京破。子福瑱亦被執。洪氏遂亡。

第十三課 國恥(二)

基 凡人固有之基業。保守之。光大之。榮也。否則辱也。一家然。一國亦然。吾國對外交涉。清代失

丑

緬甸委

澎

第十四課 國恥(三)

敗最甚。類而舉之。一曰賠款。自道光二十二年。至光緒二十七年。凡五次。而馬關條約。辛丑和約。銀數尤鉅。一為二萬萬三千萬兩。一為四萬萬五千萬兩。一曰失藩。英滅緬甸。法占安南。日本取琉球。併朝鮮。上國主權。委棄盡矣。

一曰讓與地。雲南邊境。讓與英法。臺灣澎湖。讓與日本。黑龍江以北。烏蘇里江以東之地。讓與俄國。而南方沿海。更有香港。澳門。讓與英葡。

威大

侮 誓 撤

辱矣。



一曰租借地。旅順大連灣。威海衛廣州灣。皆沿海要區也。外人租借之。吾國海防。自是盡撤。夫國之恥。即吾民之恥也。人人知恥。誓圖自強。庶猶有雪恥之日。不然。將永受外人之侮。

第十五課 中國史略(二)

中華書局印行

燧 獵 稼

虞 禪

太古之世。文化未開。其後有巢創巢居。燧人創熟食。伏羲創漁獵畜牧。神農創耕稼醫藥。及黃帝興。文化益進。衣服宮室舟車貨幣文字弓矢之制。於是皆備。黃帝之後。數傳至堯。國號曰唐。堯禪位於舜。國號曰虞。舜禪位於禹。國號曰夏。史稱揖讓之世。自禹之後。君位乃世襲。至桀無道。商湯伐而代之。至紂無道。周武王伐而代之。合夏商周。是為三代。

第十六課 中國史略(三)

新式國民學校國文教科書

第八冊

九

春 培 業 用

霸送

豪莽篡

晉

拓

周平王東遷。霸者迭興。為春秋之世。其後秦楚齊燕趙韓魏七國爭長。又為戰國之世。秦并六國。政治暴虐。豪傑並起。漢高祖代為天子。傳至武帝。疆域大闢。及王莽篡位。亂者羣起。光武中興。是為東漢。及其季世。裂為魏蜀吳三國。至晉。乃合於一。未幾。五胡亂作。晉室東徙。紛紜百餘年。又分為南北朝。至隋。始統一之。

第十七課 中國史略(三)

繼隋者為唐。唐太宗用兵四方。疆域日拓。中葉

跋扈寢偏

偏感亥革詔

以後。藩鎮跋扈。分為五代十國。宋室繼起。統一中國。而北方遼金元迭興。宋遂寢衰。成偏安之局。元人起於漠北。遣將西征。又滅金。滅宋。幾混一歐亞。然不久分裂。明起。滅之。明之季世。滿洲漸強。乘流寇之亂。入主中國。國號曰清。當其全盛。師徒所向。罔敢不服。近百年來。朝多敝政。外侮日偏。疆土日蹙。辛亥之秋。革命軍興。清帝不得已。下詔遜位。乃改建中華民國。

歷代紀年表

黃帝一百一十一年 少昊一百一十四年 顓頊一百一十七年 帝嚳一百一十七年 帝摯一百一十九年 唐一百二十年 虞一百四十四年 夏一百四十四年 商一百四十四年 周一百三十五年

東周五 五霸齊桓晉文秦穆宋襄楚莊 七國秦楚齊燕韓趙魏 秦三 楚漢三 漢三 東漢一 三國三 吳三

晉三 東晉一 十六國前秦前涼後涼後秦前燕後燕南涼南燕西秦鮮卑

南朝宋齊梁陳一 隋三 唐六 五代後梁後唐後晉後漢後周 十國吳前蜀楚閩吳越南漢南唐後蜀荆南北漢

北朝北魏北齊北周 宋一 南宋一 遼金一 元一 明一 清一

第十八課 干支

天干地支者。古人制以紀年月日時者也。天干

戊癸卯戌

剋咎

天諛

斃

胎

父

凡十。甲乙丙丁戊己庚辛壬癸是。地支凡十二。子丑寅卯辰巳午未申酉戌亥是。後世星命者流。附會其說。謂人生時之干支。有關終身之休咎。談五行八字。論生剋衝合。以定人之窮通天壽。大抵非漫作諛詞。即故為危語耳。使所言而足徵也。則命之夭者可坐以待斃。命之壽者可病不延醫。且世間每有同時生。同胎生者。其干支同。其窮通天壽。亦必無不同矣。有是事歟。

第十九課 三年之艾

瘡痢痧瘡癆媒饒穀彙 徽

第二十一課 徽菌自述

吾黴菌也。體甚小。苟得養料。生殖至易且繁。污穢之處。及羹殼饀餌之腐敗者。則吾曹聚焉。且以之為媒介。乘人不備。傳寄於人體中。以殺人為業。人患傷寒霍亂鼠疫肺癆痘瘡喉痧赤痢瘧疾等症。以至於死。皆吾曹所為也。吾曹所畏。惟醫生及衛生之人。蓋彼等有預防消毒諸法。通以空氣。曬以日光。煮以沸水。薰以硫磺。足令吾曹就斃。無從繁殖也。

中華書局印行

疥癬

肌輩礮攪澱砂疊濾

第二十二課 水之衛生

某村居人多患腹疾及癰疥求治於醫醫曰此殆近村之水不潔所致也不潔之水常含病菌用以沐浴則害肌膚用為飲料則傷腸胃村人曰吾輩新汲之水必投明礬而攪之使污質沈澱可謂潔矣醫曰未善宜以炭屑砂礫層疊相間鋪於器中濾水使清尤必煮之使沸殺其病菌然後用之庶無害也

第二十三課 滴水自述（二）

中華書局印行

余滴水也。體至微。族至繁。小而溪澗。大而海洋。皆吾儕漂流所至也。吾儕能溉田。善載舟。又喜蓄養鱗介之族。以供人取求。性活潑。好流動。惡滯塞。因之不善自晦。恆以取禍。嘗出遊。遇一童子。臨池而汲。急趨避。已入桶矣。吾儕之相率而入者。蓋億萬焉。桶既滿。童子擔而歸。

第二十四課 滴水自述（三）

歸則傾於釜。覆以蓋。光明驟蔽。悶鬱異常。視向之臨風漾日。怡然自得者。相去天壤矣。有頃。

童子燃以薪。處釜底者苦熱而大譁。俄焉在下者騰躍而上。在上者擠壓而下。上下相觸鼓盪成聲。為蓋所阻。欲出不得。忽聞童子聲曰。沸矣。可揭蓋矣。余乃化汽乘風破空而去。惜在下者未能偕行也。

法律有公私之別。公法之中。憲法規定國權。行政等法。皆由是出。一國根本法也。刑法。刑事訴訟法。所以定犯罪人之關係。及其訴訟程序。至

慣

民事訴訟法。則為私人訴訟程序。然以其關係言之。亦屬公法。若私法。則民法定私人之交涉。商法定商人之行為。皆保護私權者也。此外有國際法。則為各國間條約及慣例。或由列國公議遵守之者。因其無強制之權力。故與國內法不同。

警

第二十六課 警察

警察之設。所以預防危害。而維持治安也。危害之發生。或屬於人。或屬於物。警察因防止之故。

奸弭

對於與有關係者。得限制其自由。其限制之者。正以保護之也。故衛生弭災捕盜詰奸等事。皆警察掌之。我國都會。近已設置警察。將來必以次推及全國。任警職者。宜依據法令。勉盡職務。吾人亦上知警察奉法而行。勿以其干涉為病也。


幻幕

第二十七課 影戲

父挈兒往觀影戲。既入座。但見張一布幕。他無所覩。忽焉燈燭盡滅。幕上見幻像。作樹木人物。

成天

樓 浪 穩 嵌 祇 迹



之狀。情景逼真。時而危樓高聳。時而列肆宏開。時而汽車停駛。乘客紛來。時而怒浪排空。扁舟穩渡。兒稱奇不置。及歸以問父。父曰。是為影戲。其顯影於幕者。因幕中有燈。嵌以凸鏡。夾以影片。而光射於幕也。其活動如生者。因用機轉換影片。至為敏捷。故觀者祇見其活動。不見有轉換之形迹也。

中華書局印行

翎 翮 富 軀 笨 沾 撥 鵝 鷺 鶴

第二十八課 鳥

鳥。兩足兩翼。身被羽毛。其喙甚堅。有飛翔者。有步行者。有游泳者。飛翔之鳥。翎翮甚健。骨有氣富。體內有氣囊。鷹雀等是也。步行之鳥。軀幹笨重。兩翼雖具。而無飛翔之力。雞及鴛鳥等是也。游泳之鳥。羽毛滑澤。不易沾溼。趾有蹼。利於撥水。鵝鴨等是也。外此更有涉禽焉。喙頸足俱長。惟尾特短。便於涉行淺水。捕食魚蟲。鷺鶴等是也。

新式國民學校國文教科書

第八冊

十六

春季始業用


成天

飛



中華書局印行

艇 凌虛 壺



第二十九課 空中交通

為巨囊盛輕氣下繫載人之具可以上升此氣
球也然其進退不能自如今
則有飛艇飛機為空中交通
之利器 艇與機之飛行或
藉氣力或藉電力凌虛往來
不啻鳥之飛翔惟艇體巨機
體小為用各殊蓋巨則穩重
小則靈捷也 通者歐洲大

新式國民學校國文教科書

第八冊


十七

春季 始業用

戰。用諸軍事。施攻擊。偵敵情。收效殊神。吾國近日亦創建航空學校。訓練飛行隊。異時空中之交通。當與海陸無殊也。

第三十課 電之應用

匪 話



自電學發明。應用頗廣。電以動機。可助工作。電以駕艇。可駛天空。電以行車。可代步履。匪特此也。吾人尋常日用間。用電之事亦日多。如電話傳言。電報通

鈴 喚 療

証

債 募

信。電鈴喚人。電鍍飾器。電燈照夜。電扇生風。電帶療病。電爐供炊。不勝枚舉。此外則軍旅之事。或以攻擊。或以防禦。資於電者亦多。說者謂時至今日。將由用汽之世界。進為用電之世界。觀於電學應用之廣。洵不誣也。

第三十一課 國債

國家遇有要需。得發行債票。募集國債。募於本國者曰內債。募於外國者曰外債。募債必與以息。內債息歸國民。外債息歸外人。故民力富

贖

厚之國。苟有要需。恆募集內債。然或一時民力未足。則藉外債以濟急需。亦事勢所不容已。惟能用於生利之途。則償還本息。尚有賸餘。庶能收外債之益。而免其害也。

簽實

第三十二課 契約

實兒之父經營工業。一日兒見父簽名於紙上。問之曰。此為何物。有何用。父曰。是名契約。凡客有定造器物者。必將程式之高下。價值之多寡。期限之長短。先期訂定。簽名其上。以為憑信。

兒曰。兒見家中租屋。必立租據。是亦契約之類歟。父曰。豈獨租屋為然。凡合股營業者。出資購產者。皆有契約。或曰議據。或曰合同。或曰契券。使彼此遵守。不可改悔也。

契約式一（承印據）

立承印據中華書局。今由

倪旭東君託排印學生實鑑壹部。約二百頁。言明用七十磅西洋紙四開式。洋裝布面金字。每部收回工本銀陸角整。共印三千部。計銀壹千捌百圓。當收定銀玖百圓。訂明自立據日起。三箇月交書收銀玖百圓。恐後無憑。立此據存照。

年 月 日 立承印據中華書局經理人 押

印花稅

天

契約式二 (議據)

立合同議據人瑞瑞瑞今因在上海合開聲豐字號專營綾羅緞縐事業兩相洽議各出資本銀伍萬圓整號中不另聘管理所有銀錢出入帳目往來夥友進退均歸瑞瑞瑞主理如有重要事項須與家駒會商家駒亦有隨時查帳及相助治理之權其餘議定各款開列於左以資永守

- 一瑞瑞瑞主理店事每月應支薪水銀三十圓整
- 一官利按月六釐憑摺支付
- 一每屆年底結帳如有盈餘分作十成提二成為公積二成為辦事人花紅餘二股均分
- 一店中薪水按每月月底支付平時不得懸貸
- 一瑞瑞瑞除每月月底應支薪水官利外不得另立戶頭支欠款項
- 一瑞瑞瑞非至滿限不得拆退資本
- 一本合同以三年為限滿或續開或歸併或收歇雙方洽議
- 一本合同照繕二紙各執一紙存照


印花稅票

年 月 日 立合同議據人


見議人 繆瑞瑞 褚家駒 蒲脩祿 蔭 蔭 蔭

第三十三課 寒暑表


華氏寒暑表



攝氏寒暑表



列氏寒暑表



瞭 一望瞭然。蓋凡物遇熱則漲。遇冷則縮。水銀火酒亦猶是也。故氣候熱則漲而上升。氣候冷

寒暑表者。測氣溫之具也。以玻璃管為之。中貯水銀。或有色之火酒。而封固其口。更於管外分畫度數。標明字碼。則氣溫增減。

卷


攝

央

規 式

則縮而下降。因其升降。可測氣溫。寒暑表之制。有華氏攝氏列氏三種。常用者。以華氏為多。

第三十四課 指南鍼



向。發明指南鍼。以吾國為最早。昔黃帝與蚩
有一鍼焉。兩端皆銳。中央支以活
樞。浮置盤中。一端指南。一端指北。
無論若何移易。所指方向。無少差
忒。是謂指南鍼。凡海上行舟。空中
駕艇。野外治軍。無不賴之。以覘方

錫

尤戰。值大霧。軍士失道。帝作指南車。示之。周武
王時。越裳氏重譯來朝。使者迷其歸路。周公錫
指南車送之。是皆指南鍼之先導也。

第三十五課 環遊世界

哈

北京某君。嘗環遊各國。及歸。錄遊記。以示友。記
曰。十月八日。余自北京起行。乘京奉汽車。經天
津。出山海關。而至奉天。附南滿洲汽車。北行。路
權屬日本。管理者。日人也。至東清鐵道。路權屬
俄。管理者。俄人也。越二日。至哈爾濱。為我國

天
天

勒

東北巨埠。然市場為俄人所經營。主權不完矣。翌日。乘西伯利亞汽車西行。由亞入歐。路約二萬里。凡十二日。抵俄京彼得格勒。

第三十六課 環遊世界(三)

柏

自彼得格勒西南行。二日至柏林。學校林立。世界最嚴整之都會也。復乘汽車西赴巴黎。街市美麗。世界最繁華之都會也。再西北越英吉利海峽。至倫敦。貨物充物。世界商業之中心也。余在歐洲。遨遊所至。北及丹麥。荷比等國。荷

物
邀

京海牙。萬國和平會在焉。南及意奧等國。意京羅馬。美術古蹟咸萃於是。至於其他諸國。則未暇往也。

第三十七課 環遊世界(三)

由歐返國。其途有二。一由地中海。紅海。渡印度洋。一渡大西洋。越美洲。渡太平洋。余欲遊美日。遂航行大西洋中。八日抵美國紐約。西半球第一商埠也。美京華盛頓在其南。更乘汽車五日。抵舊金山。為美國大埠。華僑居此。約二十餘

紐
頓

阪

萬自此更渡太平洋。十四日至日本橫濱。舍舟而陸。徧遊東西京大阪神戶。乃由長崎登舟。二日至上海。復返北京。

第三十八課 環遊世界(四)

余此遊限於旅費。迫於時日。亞歐美三洲既多未蒞之國。而非洲大洋洲更為遊蹤所未逮。然世界現勢已略有所覩。如法之文物。俄之疆土。英之海權。商業。美之農工富力。德之學術軍事。皆各有特點。而日之取法歐美以成望國亦

迫蒞蹤逮

足並稱。至於教育。則現今強國類皆發達。惟俄為稍遜耳。

第三十九課 廢物利用

物之無用者。通稱之為廢物。更以廢物製成有用之品。是為廢物利用。破布敗絮。廢物也。腐而製之。則成紙。松桐之臭。廢物也。範而乾之。則成墨。推之鴨毳。可實衾枕。豬鬃可製刷帚。羊毛可織氈呢。是皆廢物利用之類也。而染料肥料。每出於廢物。更無論矣。故製造之技術愈精。

毳衾鬃氈

摩唾

摩唾

臭

側

則廢物之用途愈廣。未可以無用而遽棄之也。

第四十課 火柴

某兒夜間取火柴一。蘸以唾。向掌中摩之。閃閃有光。樂甚。適為父見。戒之曰。火柴有毒。不可近口。兒亟棄去。因問父曰。火柴為常用之品。何故有毒。父曰。火柴燃時。則發惡臭。蓋其端黏有藥粉也。其藥粉以磷硫為主。二者皆毒質。何可入口。且磷硫混合之火柴。感熱即能自燃。危險特甚。惟黑頭火柴。黏硫於木條。塗磷於匣側。必兩

兩相擦。始能發火。較為安全也。

第四十一課 農業

后穡

審

中國古農國也。自后稷教民稼穡。民生賴之。持數千年來。拘守舊法。致少進步耳。欲興農業。當重農學。農必相天時。則氣象學宜講也。農必辨土宜。則土壤學宜講也。農必審物性。則植物學宜講也。農必施糞壅。則肥料學宜講也。他若驅除害蟲。興修水利。亦莫不有學。數者既備。復益以勤於耕作。毋怠毋荒。庶幾農事克舉也。

第四十二課 糴米

糴 糶 拜 慶 稗 穰 未 耜

糴米買東新。百物資之市。不緣耕樵得飽食。殊少味。再拜請邦君。願受一廛地。知非笑昨夢。食力免內愧。春秋幾時花。夏稗忽已穰。悵焉撫耒耜。誰復識此意。

第四十三課 植樹

俾 潦

山巔水涯。通衢曠野。皆可植樹。茂密成林。則風景清佳。爽人心目。且樹林之作用。可以調和氣候。俾免旱潦。而樹根盤結。泥沙自固。又免河

隄 潰

拿

窄

隄潰決之患。其木材或供建築。或成舟楫。或造器具。或備燃料。利益尤溥。文明各國。多勤事樹藝。我國則到處有童山曠地。水旱之災。既連年見告。而木材輸入。又成絕大漏卮。彼此相形。利害顯著。植林顧可緩耶。


第四十四課 巴拿馬運河

南北美洲。以地峽相連。其最窄狹之處。曰巴拿馬。介於太平大西兩洋之間。西曆一千九百零四年。美人籌集巨資。就此開鑿運河。溯工事

成天

徑

貨必將爭出是途。吾國在太平洋西岸。受斯河之影響必鉅。誠欲振起工商。時哉不可失矣。



之始。迄於全河通航。凡十二年。誠巨工也。夫行旅往來。必趨捷徑。自今以往。吾知世界商

中華書局印行


尼

滾

慨慷孺

第四十五課

地但尼郵船遇險



先救婦孺。眾如約。乃引婦孺悉登小舟。俾先出

地但尼。英國大郵船也。西曆一千九百一十二年四月。開赴美洲。誤觸冰山。水滾滾自船底入。船長命擊鼓。集船眾。放小舟於海。時船中有壯年男子千餘。婦孺七百餘。船長慷慨語眾。宜

殉 遭

險。小舟既盡。望他舟來救。無至者。船遂沈沒。千餘男子。悉葬身海中。當水浸入時。機爐已壞。命在俄頃。船長仍指揮部下。盡力救人。無遑遽懈怠之色。其從容殉職。有足稱者。

第四十六課 宗教

現行宗教。其著者曰佛教。回教。耶教。佛教創

罕謨 迦 佛

迦 釋



自釋迦。初行於印度。繼傳於東亞。回教創自謨罕默德。初行於阿拉伯。繼及於亞非二洲。耶教創自耶

佈 蘇

德 默 罕 謨



蘇 耶



邪 懲 儀 派

蘇。起於猶太。而盛行於歐美。近幾佈及全球。其教有新舊之別。新教俗稱耶蘇教。舊教俗稱天主教。此數教者。宗派不同。儀式亦異。然要旨皆在勸善懲惡。閑邪存正。吾

人信教自由。可各從所好也。

第四十七課 憲法

憲法者。立國之大經也。凡國體如何。主權如何。立法行政司法權限如何。人民權利義務如何。

靡

皆以憲法明定之。今世文明諸國靡不根據民意規定憲法。及其既定則全國上下一致遵行。決無輕易更張者。我中華民國係新造之邦。憲法猶未訂定。然有約法。其性質與憲法相同。其效力與憲法相埒。即謂為暫行之憲法可也。

埒

挾

第四十八課 無字薦書

某商欲得一人助理肆務。揭廣告招之。應選者皆挾薦書往。一少年獨無之。既而餘人皆見屏。

叩

予閑

少年獨中選。或造商人叩其故。商人曰。彼有無字之薦書。非他人所能及也。彼之來見也。未入先拭履。既入即閉戶。予知其能自治矣。坐必後長者。行必讓同列。予知其能敬老且愛羣矣。地有遺物拾而置之。予知其細心且惜物矣。彼雖無薦書。不較有薦書者更足取乎。

第四十九課 介紹入學

臧女瑤貞。某校畢業生也。其戚有女已屆學齡。肄業於某私塾。逾年矣。因其寡效。欲擇良校而

紹臧瑤貞齡塾擇

天

欣倩兄

遷焉。訪諸瑤貞。瑤貞以某校對。且曰。吾母校也。肄業數載。獲益良多。其戚欣然。倩女為介紹。并詢入校章程。女以事冗。不暇親往。乃操筆作書。俾其戚持往自詢之。

臧女致校長函

夫子大人函丈。自離校後。親炙久疎。每憶當年訓誨。誦感佩。曷已。敬稟者。敬戚傳瘦樵君。有女七歲。已達學齡。夙仰母校規則。謹嚴課程。完善。擬令入校就學。昨日來舍。囑詢校章。生本擬趨謁。奈為家務羈絆。不克來前。殊為歉仄。茲特敬備蕪函。介紹傳君躬詣。左右親詢一切。即乞明示。并示以校章。至為感禱。肅此敬請。道安。

學生臧瑤貞敬上 二月十日

中華書局印行

第五十課 畢業

學校授課。皆按照等第。立為定程。學生肄業。既達定程。則為畢業。其及格者。可得證書。以證明其所學。雖然。學問一事。初無止境。普通以應用為主。專門以深造為歸。今日國民學校畢業。不過學之始基耳。其能否應用。或更求深造。皆視後此之自為。孔子曰。譬如為山。未成一簣。止吾止也。譬如平地。雖覆一簣。進吾往也。山已垂成。猶不可止。矧為平地之一簣乎。

附課一 教員訓詞

今天諸生行畢業式的日子。回想這四年之內。諸生身體上。品行上。學業上。都有長進。可喜。可喜。嗣後諸生對這三項事體。務必始終的注意。我當時常訪問諸生的狀況。諸生將來能够比在本校的時候格外長進。那我心裏就更加歡喜了。諸生中再入學校的。應該要用功求學。不必贅說。就是出去就業。不再上學的。將來要應用的學問。如國文算術之類。也還要自習。倘有不懂。還可問問我們。或者自己來校。或者通信。我們都是

頂歡迎的。至於為人的道理。要曉得自己所處的地位。守自己的本分。立定腳根。踏著實地。切不可好高騖遠。做事的道理。要有得責任心。切不可隨意敷衍。諸生能够照這個樣子。真真實實的做去。將來必定能够受社會上的人。個個稱贊。個個歡迎。那就不愧為學校裏的畢業生了。前程遠大。大家努力自愛啊。

附課二 來賓演說

今天到貴校來參觀畢業的儀式。看諸位小友的成績。頗好。足見諸位小友平時用功。和諸位先生熱心教育。

的效驗。敬佩。敬佩。鄙人今有一言奉贈與我諸位小友。

就是『為人要立志有恆心』俗說的『小時沒志氣長大不成器』。所以人從小時候就要立定志向。恆心做去。後來纔能成功立業。好比那學射箭的。必定先要豎起一個靶子來。然後拏着弓箭。照着靶子。經心着意的射去。慢慢練習。日子長久了。工夫純熟了。不會不中的。有志者。事竟成。這句話真是不錯。願諸位小友聽了。

附課三 學生家族謝詞

古人說的『玉不琢不成器』人不學不知道。鄙人等送孩

子們到校裏來就學。煩勞諸位先生苦口婆心教訓了四年。孩子們字也認得了不少。文也會做了幾句。也會得算算帳目。舉止行動都覺得上了規矩。這總是諸位先生琢玉成器的功勞。鄙人等十分感謝。現在孩子們已經畢業。不能常常在學校裏面受諸位先生的教訓了。但是將來還望彼此聯絡。常常往來。不要生疎客氣。小孩子年紀幼稚。知識淺薄。離校以後。還要仰仗諸位先生監督教導。孩子們恭敬先生。服從教訓。比那在校裏的時候。應當格外親熱的。

附課四 學生答詞

中華書局印行

新式國民學校用
國文教科書（全八冊）

每冊定價銀一角五折實售五分

(外埠酌加郵匯費)

閱
訂
者

印 行
刷 行
者 者

印
刷
所

上海福州

常陽州成德軍節度使
西華州貴州古林

北京天津奉天廣州長沙開封溫州安春
漢口南昌南京杭州濟南保定武昌太原
營口瀋陽鄭州雲南貴陽徐州西安汕頭
香港福州南寧重慶桂林柳州西安榆林
貴陽昆明西安西安西安西安西安西安
石家莊黑龍江齊齊哈爾哈爾新加坡

中華書局

中華書局

中華書局

華英書局

天淵
津陰
劉范
寶源
慈底

吳如桂
縣舉
沈姚
恩銘
年恩

五 步

加郵匯費)

浦